

讀白華草堂詩初集

讀白華草堂詩初集卷七

辛巳

鎮平 黃釗 穀生

自白渡放舟出小河口因憶丙寅冬月同伍雲赴
潮州經此不勝愴然於懷

鷓鴣坑口樵呼渡鷗鵲潭心女浣紗十五年前鵲鵲爪
冷風寒雨沒平沙

韓江樓讀宋芷灣先生題壁詩作長句奉懷

先生一笑凌滄洲攝衣便上韓江樓溼溼氣盛白日盪
鯤鵬勢闊青天浮掀髯長嘯向粉壁醉墨迅掃天風收
詩成擲筆望空闊青蒼一氣明沙鷗江流日夜變白髮

乾坤今古迴扁舟
榕煙荔雨足僧茗
笛聲吹出江城秋
如虹之氣貫斗牛
元精耿耿留炎甌
昌黎以後孰醇酒
獨遊亭叟陳文惠
差堪酬自從五馬行
郎州天南萬里空
回頭桃柳橘柚好
鄉國舊題無恙何
人遊我來倚檻消
百憂韓江滾滾仍
東流興酣搖嶽不
可見令人空把珊
瑚鉤瀕池粵海阻
相望點蒼山外寒
雲愁

清明日獨遊紫竹菴繞湖山脚行里許小憩水仙

古廟得詩三首

招提瞰湖西地勢兼村郭
水光濯石魄雲氣抱佛脚
旋螺一徑穿積翠粘屐落
洞天本生成亭榭此焉託
牟尼

紆九曲出頂天始拓稽首禮盤陀解衣坐礪礪
榕筋裂石膚骨斷不肯死吁爾石兄頑崛強非人理連
岡亂羣羊穿家壓萬鬼當時亭與臺陵谷悲蒿里惟餘
擘窠書苔蘚駁青紫知非諛墓文豈屑翁仲比拜之不
能言草蛩咽叢葦

鬼蝶扇東風壓隴開紅棉陳人臥石槲冷節愁芳妍
有牧羊人抱頭藉花氍毹陰覆石角古廟祠水仙春塘
約綠膩鵬暖浮萍圓靈風颯然來吾方薦寒泉

登鳳皇臺放歌

男兒空有黃鵠翼不能奮飛攬八極鷦鷯竊笑亦可憐

安得一枝暫棲息朝過屠門暮僧舍意氣相看已相下
櫻溟萬里天四垂誰許培風一相借醒看鸚鵡碑醉登
鳳皇臺鳳皇之臺高百尺紅霞一片海上來酡顏照見
心爲開我已不樂千金買笑擁翠蛾亦不樂萬錢下箸
燒紅鵝但願阜財解愠俗康豫揮絃鬯奏南風歌南風
吹來萬物快腐儒飢寒何足芥東島西兔會有時且勿
愁疑天地隘

潮州賽神詞

金錢灑空姘女笑蠻絃樂神闕社廟銅荷捲蠟香霧迷
雷車闐闐七門掃盤鴉隔竹脂雲膩蠻細語燒香字

午潮沸湧人龍魚倌子敲鑼導神至
珊塵飛起金城下
金鎖董男能走馬
天吳紫鳳扶海立
蜃雛入雲香汗濕

神絃二首

怪霞射海蛟血殷犂頭瘴母方霽
顏天妃巡海來海埂
丁丁海水鳴珮環
金虬尾帖青鳳翰
馬銜嚮導頭如黿
蒼水使者圭秉元
人身龍首高兩顴
鞠躬迎立未敢前
鸞帆不動安如山
黃頭叫娘語雜聞
迴沽塞港百貨關
共醪壯貝攤神絃
魚龍曼衍大牙喜
鏡面菱花八下里

右天妃

鼉皮冒煙日卓午
蜥蜴上天求作雨
城南大隄擠士女

呪香作雲蒸花礎神之來騎蜀時虎青條蜿蜒誰敢侮
滇山高高祔所宇祓除瘴癘食妖蠱千年土花駁銅鼓
諸蠻帖耳拋毒弩蘆灰百石奠平上潮人奉神曰若禹
帶牛佩犢爾勿頑神今馴爾如馴蠻

右青龍神

叩齒菴雨夜簡顏薤孫

斷續雨聲酸荒庵客影黯
春鐙依佛瘦古劍挾人寒
悶覺孤吟寂飢憐旅食難
不知陋巷裏八口若爲餐

讀楞嚴經二首

夢聞剎竅鳴開眼見窗
綠篆香卽漸微茶鼎方就熟人

天此何境日影淡花竹
案頭麝華書妙諦啓西竺現前
眞實理龜毛與兔角人言安心竟我以養眼福

學佛吾不能佞佛吾不敢此身如蜾蠃大海日搖撼偶
然隨梗萍常懼觸眾鬪茫茫白牛邊千朵鐵齒蒼誰能
超彼岸失脚愁坎窞衆生同海魚已忘水味鹹安得蒲
牢吼覺悟使悲感

香無隱龕小坐雜成

梵榻消塵事齋廚結淨緣潮音榕葉雨色界荔枝天閒
客緇經藏殘僧乞藥錢無言成獨覺一笑辟支禪

入定心如木觀空眼不花聽香叩西竺覆水印南華臣

朔一囊米君謨三品茶更誰參我法白足此趺跏
石甕雲藏久銅瓶雨過遲蚊芒吹劍客蟬響闕琴師大
澤深山境安心學道時曠無凡慮雜野馬控晴絲
追暑愁無地消閒豁有天命宮除酒劫鼻觀證花緣蓮
葉魚千里槐柯蟻一塵晝長驚蝶倦片夢亦遽然

廣濟橋閒望

廣濟橋邊望三峯筆架排蛤灰當市屋龍骨對河街丹
荔收園戶紅蕉出蛩娃樵風前渡好千里半天涯

鎮平至潮

州五
百里

韓山拜陸丞相祠

公墓在南
澳海嶼中

粵雨祠門暗閨雲墓碣封蒙塵亡國痛正笏講官容厄
運移朱鳥崩濤汨白龍明堂思負辰遭際竟難逢

端陽前一日追憶去年與在菴潞河登舟時事愴
然於懷時未得其眷屬回粵消息因成一首寄

詢其家

又見登筵角黍盤隔年懷舊淚九瀾陳人白簡心肝朽
宿誓丹雞血肉乾尙憶拜章辭闕下不堪歸櫬殯江
干俦伶入口知何似早晚經過十八灘

五月十五日得望子臘月十四日京邸來書答寄

二首

七千里外悵離居纔得京華一紙書雪屋梅花新霽後

水亭荷葉早涼初我憐博士騎羸馬望子已補景山教習君笑頑

仙踞鯉魚露白葭蒼人宛在來書云聞大風覆舟不勝駭異然露白葭蒼伊人宛

在夫復何憂待來抄史續河渠

驚波駭浪猝騎危真有狂風似簸箕覆舟於簸箕潭厄運詩書

爭水火去冬文穎館災所繕治河方略全書俱燬於火覆舟時失去詩一冊窮途人鬼怯

蛟螭時在菴極船亦幾被覆厚亡或議多藏患所帶書畫淹漬被損虎巖來書以爲

多藏厚亡之報小劫終歸普救慈余落水食頃始振蓬授起當日招魂惟月

酒濕衣燎竈洗深卮

苦雨

宿雨重檐積炊煙濕竈濛陰堂黹秋碧古砌漬春紅鐵
樹千牛力銅鐘萬鬼工波濤驚四壁幽悶鬱沈雄

虛堂

虛堂闕海氣佛火同青燐龍眼樹陰黑壓屋沈千鈞漏
痕下如瀑寺破悲僧貧漆棺寄雨廡人鬼爲房鄰深宵
風雨聲似呼祈孔賓屹然壁上影離立金甲神恃此大
無畏幻境皆非因生平護詩法常現丈六身參禪坐居
土抱道思偉人神完中有恃千熊却逡巡莊語近險語
示佛當毋瞋

潮居雜詩

瘴雨雙旌石寒煙十相祠羈愁自憑弔謫宦此棲遲魑魅南荒徙星辰北斗維徂秦風氣闢文物嚮明離

挺刃嗟民悍銀鐺議獄成桃僵甘代死株累苦求生按

驗終歸實哀矜豈近名多冠中執法何以慎持衡時中丞將

來廣因檄廉訪洩潮鞠按

殷富三吳竝繁華百粵強高牙鎮南澳大舶出東洋

國賦輸鹽鐵家貲擅蔗糖不材愁沃土朝夕計何長

火種刀耕俗撈蝦捕蛤民落彤朝問鬼潮州常有神附人身語吉凶禍

福謂之落形影戲夜酬神語易侏僂雜威難桀黠馴長官盡

儒術約法最寬仁

儼薄心情慣浮奢習尚非菴尼冒僧笠市僧溷儒衣業
漫吟王訂途終狎客歸波流期挽復禮教莫輕違

蘇文忠昌黎伯韓文公廟碑

井絡一星出岷峨度八牛女周天河森然北斗燦南紀
精氣互貫參義城城南夜光燭萬丈蒙荆密莽同搜羅
韓祠斷碑鬼物守蘇公奮筆如揮戈扶桑咸池大繖擁
祝融海若長紳抱粃糠掃盡汰蜉屑雲錦織就遺龍梭
投文徙鱷遣衙吏作書詆佛驅天魔大荒披髮返閭闔
煮蒿薦祀悲滂沱丹黃蕉荔期肸蠃水旱疾疫煩撝呵
精神在地若井水至理妙喻無差訛伊蘇距韓三百載

元祐事昭同元和斗牛不神坐埋困磨蝎守命遭讒訶
蠻荒竄謫等一轍瀧吏後有春夢婆天其以我爲箕子
要荒此意留則那當時飽喫惠州飯烏雲紅日樓頭過
游潮六日訪遺澤韓山片石來摩挲經師已少趙天水
子野絕粒爲頭陀存神過化理則一海潮元氣相盪摩
潮陽儋耳兩開闢手鑿混沌芟蓬科此碑百世立師表
不與荆棘悲銅駝雨淋日炙半蝕剝尙鎮魑魅虺蛟鼯
我來睹此思石鼓兩公曠代同磨歌

舟中望陰那

陰厓紺雪屯陽谷朝霞絢泉紳倏明滅嵐障互隱現雙

鬟壓篷低五指扳舡轉冠雲偉士我睇霧美人舊香爐
引鶴朝白虎跨虹見羅浮當比肩匡廬別開面番蓮作
佛供靈雀締仙眷肉身不能飛心眼覺屢眩擬從慚愧
師借讀希夷傳

封礦行

鎮平初改縣建置在明末維時石窟砦實寇盜巢穴崇
山疊嶂連嘯聚時竊發名爲五總賊焚掠恣劫殺大吏
日籌勦不能斬苞枿乃謀并三都程平兩縣割彈丸一
子城咽喉扼閩越我朝定鼎初蕩穴掃遺孽承平百
餘年樂利民安悅嘉慶丁戊間山忽產鉛鐵地屬高思

鄉酒缸潭面徧外匪乘間集聚衆歆牲血維時觀察林

天培

廉勁見勇乞煌煌數典刑大辟並勅刑無何劇騎

箕厲禁復侵軼相公

松

秉節來萬家號生佛深慮竄遁

逃巖檄令封閉封章達

帝座

帝曰卿言切地

寶終不閤人謀久愈譎白馬與豐田又見礦砂出黃緣

到士紳勾引盡豪猾民情頗洶涌匪黨復糾結關節不

能到復有夏觀察

修恕

觀察甫風聞旋卽得告訐切責

下嚴詞購訪出密札火雲爍毒暑辛巳之六月星馳赴

礦山汗雨止焦渴勘封報大府民害始得豁善後費籌

畫條辨極切核自今鎮之民小康庶可汔我因礦害除

不憚再申說鎮邑山路雜汀贛漳潮達防範稍不周羣
匪所出沒聚此萬餘人何以得盤詰地方大可虞劇害
此其一山多民田少每歲糧食缺往往青黃時米價日
高楮多此萬餘人必至飯糠麪劇害此其二飢飽大關
楔礦砂濲硫黃水性極剋伐凡水所灌田青苗變黃髮
久看菽麥死漸至雞犬絕劇害此其三正供豈能闕架
陂爲灌田沙飽水汎溢往年籌水患尙恐隄防決掘礦
必淘砂砂多益壅關劇害此其四民其爲魚鼈土俗婦
女貧擔礦向隴窟礦徒皆無賴隧道若幽室白晝見人
妖誰復敢呵叱劇害此其五廉恥一朝汨凡此五大害

言之盡蹙頰沴氣見金虎訛言出旱魃丁丁山骨鑿喇
喇地皮刮十室九怨咨呼叫慘排拶藉非此數賢禍竟
不可遏九重自仁聖四封嚴扁鐻五材雖竝生百
姓期罔咈安能庇豺狼尙恐蔑蠹蝨封疆得賢臣利弊
必搜剔豈惟掃蜂屯且當除鼠竊金銀劫已消麋鹿命
亦活高陂水湯湯高嶺山齧齧生祠建桂陽千秋祀芬
苾

艾垵晚眺

暝煙不肯起縮向渡頭青種垵人歸晚神祠尙未扃柴
棚曬涼月魚網漏寒星忽見山坳火團飛簇亂螢

泛長潭

懸厓屹雙門兩山勢欲合一線劃空青天光逼之納空
潭妙音聲風動水騰潛唾或潭鬼吞響輒谷神荅泠泠
漏壺天滴水日升合巖花吹古香上有白雲匝百尺倒
樛枝烏鴉不敢踏何人函骨來鑿石表孤塢清寒八幽
峭激盪出蕭颯明當月夜來開鏡取珠蛤

延惠知客齋雜興

窗眼安青嶂園頭冒綠陰詩書老農圃蘿薜小山林薄
暑看雲態微涼識雨心相延惠知客幽趣此中尋

詩歷華嚴界心游邃古初妙音繁似鳥空性育於魚小

像募僧服元談讀道書明窗兼淨几趺坐納清虛
寓物皆書卷開觀理自超蟲魚今爾雅蘭菊古離騷銅
尺明堂磬柳杯陋巷瓢相如空四壁且喜不蕭條
掃樹風生帶開軒月倒樽酒淳留古德琴淡寓微言螺
贏無醒醉螳螂有怨恩莊生著齊物此意復誰論

筆硯焚何日蘼鹽判此身庸言誇不朽奇策恃能貧朝
野羞名士乾坤放拙人生平稱鄭五坦率見天真

枰局消長日壺盧過小年清閒基客課歡喜酒人緣苦
行成吟佛酣眠學睡仙鬢絲無恙在一榻是初禪

低圳排魚笱高原設雀羅牛輕沈命法人重力田科保

甲姦民少農丁健婦多黃雲秋滿壠十日又秧歌
農士何曾判臣家本庶氓布衣高祖德蔬食近人情母
暇聽兒讀妻勤課女耕鳴蟬枝上噪說我舉家清

琴娘詩

并序

琴娘姓竺氏字眠綠山谷侍姬青奴之姊也青
奴早適山谷母以琴娘久不字戲呼爲陪嫁子
琴娘性貞重以青奴玲瓏透剔心竊非之徒以
夫壻爲名公卿飾其名以故四方好事者豔稱
青奴琴娘晚嫁日南計吏未嘗踰嶺表人無知
者惟同里管夫人知其賢常爲余言琴娘格高

體直不似青奴狡獪隨人轉移因倩余爲詩以
表之且曰無令青奴以得遇君家摩圍居士獨
擅名也爰爲之詩

江干懶趁女兒箱鎮戀紗幮八尺牀却訝生來同錦瑟
纖腰一搦比人長

羞教嚼蠟視橫陳但許迴身不轉身除却鐙前鷺粟瘡
今所稱鴉片煙者甘心長伴嶺南人

黃琉璃映碧琅玕藤榻風來六月寒清在肌膚涼在腋
六時調御夢平安

玉簫金管兩頭橫瘦骨條條半削成翻得班姬團扇曲

一簾花影按桃笙

大野

海風千里至大野最先聞
橫陣神鋒雨奇峯鬼色雲
淋漓元氣合荒忽畫圖分
水稻登場早西山又夕曛

寄楊海梁廉使

國楨

滇南并懷陝榆觀察顏魯輿

神羊峙獨角朝野目爲瑞
舊侶有麋鹿昂首鳴得意
憶昔十年前東華開邸第
觥觥顏公子共結雲霞契
君爲將門種氣概特雄毅
袴褶跨黃驄日向城根試
分曹射堞棚負玷揚角觶
華堂爇臂燭飲輒濡首醉
我時氣無前亦是萬夫避
雲泥一揮手失落劇顛顚
頤頤西曹扈秋獮

君已影孔翠顏子亦蜚黃東觀讀中秘而我困黃塵南
垂復北際飢走太行山爲人掌書記巖巖井陘關草消
春雪霽君家大人來材官擁千騎拜謁荷溫顏待以子
姪輩時君守潁州政聲日以企頗聞 九重語楨也

有幹濟

嗣皇繼天統灼見欽

聖智再擢至鼎

司明弼此焉寄滇南近邊疆綏靖當不易邇者弄潢池
夷民苦彫瘵願君如皋陶明慎豁株累好生本 帝

德執法命所繫庶幾召天和藉以弭祲沴繫惟君大人
有若曹武惠身提十萬師百戰蛇豕地不妄戮一人功
名足蓋世 朝廷厚酬庸蒲穀重分器君宜勉承家許

國以自勵我今滯江鄉鴻羽歎沈滯因君更及顏所望
皆善繼贈言豈足多勉旃忠孝字

保康復

爲保康縣典史蕭水清作蕭平遠人
嘉慶元年楚匪陷保康闔門殉難

烏呼岬高不得下粉青河急不得過賊兵數萬不得破
將軍焦灼戰士餓黎明鼓聲山後起賊衆紛紛各逃死
遍山青箬鄉兵標幟斫白蓮刀快如風血如水大軍乘之掃
賊壘生得渠魁馘其耳將軍大呼青箬軍領爾衆者何
如人荅言我等皆鄉兵奉蕭爺令來護城且道蕭爺誰
保康故典史當時賊屯白溝谿中有內應爲賊宄蕭爺
偵得縛殺之已報賊來距尺咫倉黃中出百道札諭各

鄉兵速團結鄉兵未到城已潰見說蕭翁死忠義蕭翁
雖死令猶在我等何忍隨瓦解誓殲賊衆報好官不願
軍官賞銀綵吁嗟乎破賊奇功出死人死人生氣留千
春糊糲頸血英風颯想見提戈出署門

司諭樞

爲平遠茂
才林坦作

鐵颶母來蕩漂杵孝子拜天天竟許險道神來狠索錢
孝子跪賊賊弗憐人魚閃屍浪疊屋眼見翁棺葬魚腹
披髮跣足晝夜哭二十七日不食宿海童悲慘天吳愁
一夕擁去浮山浮雷轟電擊顛海艘觸船有物聲如牛
賊不能感天終佑護取瓊州司諭樞啼烏啞啞夕照昏

司諭樞歸大柘村

漳門渡

悲不遠貞婦梅氏也

漳門渡造橋不成船不得攔奔流百道鑽石胯石滑莓
苔生石面無屐印尋不得路上有崩厓巉險下渦潭激
洄猿啼狐嘯不敢駐貴人來探足如簸蹇騎踉蹌驚怖
驚怖不前三五僕從牽擁始得渡一解噫漳谿之險如此
船攔不得造橋尙猶豫天陰鬼哭三年前有男子溺死
其處二解耘苗晚歸一婦人攜三女到此風雨驟至惶遽
有塗人趨前來扶婦弗顧堅却去牽三女徑渡石面苔
滑水噴薄作霧猿嘯狐嘯中有鬼哭脚不得住失脚一

滑三女曳婦人倏不見黃昏天陰黑雨下如注

三解

白頭新婦吟

爲平遠小村李氏婦張氏作

白右何茵茵青溪復瀾瀾清晨日未出照見女浣衣女
爲張家子字郎已及笄夫家姓李氏不知名爲誰傭工
向臺灣歲久不見歸東村富家子見女詫西施千金托
朱盤百兩纏紅絲檳榔蒟葉襯喜帖泥金披到門說求
昏堂上陳儷皮阿母呼女來代述媒氏詞渠家兄弟多
各各擁厚貲良田數千石佃戶爲耘耔白屋百十間婢
僕執帚箕阿翁納粟例官職同巡司伯叔亦監生冠帶
眞威儀阿父呼女來李家門祚衰熒熒一老嫗枵腹常

苦飢鏹頽兩耳缺牀塌四脚欹臺灣數兵亂轉徙靡所
依經年斷消息生死未可知縱使到縣官官亦當斷離
女聞父母言吞聲泣漣洏富家已委禽渠勢難挽回一
日如一年淚落如綆縻鴛鴦與野鴨各自有匹妃有嬖
亦李氏歸寧問何時嬖氏自歸寧見女待河湄蓬頭跣
兩足樵擔拋路歧願同到李家代姑汲與炊此志不我
遂河流現漸漸嬖氏始大駭劫之不得辭望見李家門
不復畏嫌疑李家聞女來嘖嘖爭歎奇李家有秀才知
禮識綱維倉皇僱綵轎鼓吹來迎而低頭語嬖氏婉詞
好謝伊女嫁須父母父母命已違安敢當大禮效人親

結褵李家聞女言嘖嘖復嘆咨入門拜阿姑喜極翻涕
洩暗女蘭蕙質暗女冰玉姿暗女鐵石腸矢志能不移
但姑久懸釜不能贍粥糜婦來當受餓兩口如何支女
聞再拜言婦亦早熟思婦來爲養姑并白能操持夫婦
婦爲媼不歸婦如兒婦今歸李家窮餓無所悲富家已
失婦告官乞窮治父母恨女貞污鱗誣姦私玉堅磨不
磷雪白涅不淄公庭有明鏡月魄同清輝但照女貞潔
不照女妍媸西村有處女嬌養在香閨許嫁富家子綺
羅豔房帷明珠飾佩璫翠羽綴寶釵金綫裁衣裳雲瓣
緣履綦年節歸外家陪伴有女厮女厮亦華服紉穀耀

輕珪鳳襪灑蝴蝶鴉鬢簪靈芝女爲李家婦首蓬面目
黥油葱代膏沐野菊戴芳蕤朝炊薪自採暮汲甕自攜
竈冷蛙生釜壁破雞穿籬牀中何所有但見架與梳鐺
中何所有但盛莧與藜卅年如一日寡女同孤嫠朱顏
黯黯消白髮星星催女年五十餘姑亦九十垂殷勤絜
孝養茶苦甘如薺女蘿施孤柏不識連理枝黃鵠依慈
烏不解比翼飛參商不終睽牛女會有期清晨淅米罷
走摘園中葵門前呼阿嬤隔着籬籬窺有客裏頭布領
下斑白髭回身見阿姑跪抱同孩提心疑是夫壻轉念
或恐非伯叔登門來諦視襪而哈妯娌登門來環聽暗

而唉阿姑垂淚言未語聲酸嘶但苦我婦耳語半雙眼
揩女聞反羞澀同房掩雙扉小叔來竈前磨刀割雄雞
小嬸來竈前轆釜然豆其砧邊肉膾精盤內鯉魚肥既
昏告祖先方洗合巹卮拜堂看兩老綵戲同嬰嬉但得
彭篋壽髮白結末遲菱蘭許生黃枯楊許生稊臺灣俗
近番婦女多自媒桑間及邱中窺牆更掇梯問君四十
年可免秋胡譏羅敷且勿譏秋胡自有妻在山玉抱璞
在水金却泥同生盤古前誰鑿混沌胎

重陽日至潮州時笙調在廣州作此寄之并寄琴

展

間關盼斷廣州書可嘆飢來亦絕裾九日山川供道路
百年兄弟愧樵漁黃花酒漫思開酌白髮人應尚倚閭
予季登高勞遠望海雲多處雁行疎

九日至潮仍僦居叩齒菴城南山長鄧均甫來
訪邀至齋中作重九

別菴未三月到菴逢九日寒僧喜相迎露頂捉襟出重
開香積厨復掃維摩室殷勤地主心一晌知真率菴中
妙吉祥花木亦清吉前時同舍郎病起百憂失伸眉一
笑謝醫藥費周卹乾鵲噪簷端問訊一何切花鳥尙多
情何況同龕佛

西鄰鄧夫子與我素心諧此來消息大一笑開空齋繩
牀待拂拭茶竈粗安排匆匆未及話邀我過西街書堂
設屏几燦燦秋英佳今日作重九復此同朋儕新涼酒
沁骨小別花牽懷人生幾懽會悠然與之偕歸葦夜已
深微雨霏苔階

韓江

蔽江蝴蝶展輕篷小艇迎來舶趁風河上遊蹤名士鯽
酒邊豪氣美人虹星懸稅館燈初上水動浮橋月正中
十五年前談往事流雲轉雪太匆匆

徐紉香索題蛺蝶便面

江左風流續玉臺徐郎金粉妙多才花房訂定雙飛誓
不是青陵塚上來

赴潮陽舟中作

煙畦潮港接嘔啞橘柚鄉中聚蟹家海戶魚羹烹紫菜
江村蟹市趁黃花兜離語向舟人譯生落愁從客子賒
已是殊方風物異不須遠別說天涯

沙汕頭夜泊

潮定編魚塹霜清遶雁天虹霞通海市人月守江船葦
埠漸無人沙汕微有煙夜航來一棹驚起野鳬眠

曉起渡海沙

元氣浮空壯長河落綫微天青無鳥度島白有魚飛日
月金丸彈乾坤鐵帶圍牽牛近分野吾欲訪支機

蚶市

蚶市喧闐聚北濠殘蘆叢荻莽蕭蕭媚人虹氣初行雨
念佛魚聲正上潮斷港漁商雄海戶當關津吏瞰湖寮
蜃鹽恐是萑苻藪盡利休誇土沃饒

登寶光寺塏望海

耳畔潮音震似雷塏鈴風定湧蓮臺升天朱日冠霞出
抱海碧山襟浪迴雲裏慈航千佛度煙中明鏡六鼇開
大千世界恒河劫此味空嘗一滴來

宋三大忠祠

堂堂正氣皦天日三仁後有三忠出趙家一塊肉尙留
竭盡三腔死丹血自閩入廣趨岡州航海已到天盡頭
中原尺土無一寸如此恢復海亦愁乾坤各自憑孤掌
正笏慈元仍進講零丁惶恐脫危灘壞艦崩櫓覆絕港
厓門柴市死不殊風沙慘淡波濤翻運移鵲味悲窮海
命絕烏號哭鼎湖吁嗟乎五庚申止三百年誰蹙未祚
不復延秦韓史賈四大奸君不見龍宮鼓震鼇柱折
母狂風扇濤雪正氣不滅炎火滅

弔謝皋羽

文山五坡之敗皋羽陷潮陽民間倉卒別文山去

黑陰摧月死白氣亘虹生
譴鬼躡孤影竄蛇驚哭聲遺
民天地隘厄運虎龍爭眼看
文丞相倉黃赴北京

弔黃定公

有序

定公名安金陵人父恒泰官工部主事定公爲
名諸生邃於易仁和孟長民

應春

從之遊泊長

民以進士出宰潮陽定公爲之參幕值海盜蜂
起軍書旁午定公日不暇給甲申闖賊入京師
莊烈帝殉社稷定公聞變痛哭旋赴縣署西偏
井中死時甲申六月二十日也後人就井旁埋
其骨并立一龕祀焉府志嚴泉義士墓蓋卽此

也道光元年余適遊潮陽縣廨讀壁間碑始知
其顛末作詩弔之

沈沈胥井寒中有大海水獨鑑魯連心脫屣蹈之死先
生本通儒於易探微旨孟公亦循良所嗟運值否潮陽
瀕海疆羣盜正蜂起軍書日旁午喫血輒滿紙常懷漆
室憂竊抱辛垣恥一朝九鼎淪痛哭天柱圯從井何爲
然誓水有如此傷魂撼波濤冷骨入泥滓至今一龕燈
照徹九幽底韋布抱孤忠豈曰酬知己嗚呼此何人捉
刀書生耳

余前作韶石詩苦未能逼肖讀孫文定公南征記

不覺四十九峯移置眼前續成一首

始興一條水怪石迭相望直土若危柱塹立若堵牆坐
削若驅瓜周圍若囷倉翹翹首尾現稟若舟與航方幅
如布帆廉起如檐房依傍各一空平地矗天堂昔遊詫
剏獲筆述苦難詳茲讀南征記身到韶石旁金鐘及大
鏞奏樂疑荒唐何如眼中景萬古同青蒼倚舷畫竹萌
大笑髯也狂

李南欄畫韶石人訝爲畫竹萌

張芑園齋尹

紹先

以所集蘇詩二卷名曰真一酒

見示奉題二首

東坡不善酒乃得釀酒法張侯嗜東坡寢饋與之洽傾

瓢酌百家濫觴吸三峽詩中有麴蘖得味勝羊腍醒爲
撐腸卷醉作隨身鋪含咀已沈酣挹注不匱乏浸成釀
蜜蜂恥學呼名鵬顏以真一酒味似糟牀壓我來丐餘
瀝對花容一呷心醉骨亦蘇戶大膽先怯此才過一石
所化歷千劫散爲百東坡鬚眉亂鱗甲

君才似海水宜有大蘇氣一官到潮陽望洋益恣肆赤
日巡鹽田炎荒風物異歸來倦筋骨陡覺換腸胃登筵
下酒物蒟醬雜欖鼓當時一石量近輒三蕉醉是真與
東坡是一非是二比來作酸語亦復蓄奇致蟠胸塊壘
澆到口糟粕棄說詩如說酒遊戲得三昧酒人有別腸

詩境有易地他日悟詩禪水中着鹽味

月夜懷鍾海鵬

標錦

夜迴人無睡
牕虛月倍明
松篁掃風影
河漢瀉天聲
之子在空谷
清宵吹玉笙
乘風寄黃鶴
嘹唳到江城

黃將軍歌

虎門鎮總兵名標

將軍身作水中龍
潛伏海底掀鱗鱗
將軍身作岸上虎
猛向嶺頭振旗鼓
高牙大纛八座乘
軍官仗有黃漢升
黃將軍去賊蠶蝟
結寨千艘海皆沸
黃將軍來賊么磨
恬風萬里海不波
海疆坐鎮功敢伐
日向軍門謹候謁
將星夜墮電白城
七千賊命同時活
東海霸島石三魚

鼉橫飛盡生翅連營巨艦屯虎門令人却憶黃將軍

暮由竹林汎至門壁借宿觀音堂

積潦裹白煙荒堠閃青火暝路踏不平土塊同破礮行
行轉前岡輿夫脚欠妥旱蘆疑伏弩迎人抽箭筈狼石
尤恃蠻橫肱出道左潮聲動地來一白自空墮燈盡市
門歇月暗禪扉鎖欵菴借塵榻敲店尋餅麤土僧語侏
離求募意在我我倦復苦飢無言向佛坐

晚登潮州城

夕景赴高岑浮雲蕩遠陰疎林餘老氣獨雁切歸心天
地寒潮動關河暮角沈女牆低寸碧空闊此登臨

寄荅吳菊裳

敬綸

君間南歸事蓬飄直至今
流年消屐齒佳日負詩心
母健無須杖妻忙不暇琴
欺人惟白髮早晚鬢邊侵

冬夜叩齒菴獨坐

萬籟聽將寂琉璃燈漸昏
望悲僧欲懺鼠拱佛無言
壁劍待離影鏡梅初返魂
沈思大雲句得與妙香論

簡張芑園

張侯磊砢人不解事升斗
卅年困黃塵從孥二十口
艱難選一官贅若柳生肘
俸薄累轉重子身海南走
居官如持家金盞雜甕甌
米鹽尙躬親何況方印紐
邇來情

緒惡蒼髯束春韭觀天乃坐井隆名竟何有

世開官隆井場鹽大

便

親朋望飲助書來責頗厚鹽場本美官百喙竟難剖

日昨過我舍仰天嘆拊缶都門停五棺不能具廣柳全家寄楚南尙有白髮母當時盼得官豈料吮空穀而我亦飢驅出門笑株守經年謀事畜絲粟未入手公車日催迫勢詘忍相負何暇哀秦人

世園甘肅人

未合嘲高叟消磨爲婚宦相對各搔首天寒合閉門且醉眞一酒

銅盤洲

銅盤聽無聲冬水亦已涸舟行如山行犖确石路錯鐵瘦篙錚然藤杖空中落水頭出緯路石罅插雙脚初疑

龍骨蛻又訝龜背灼鴻鈞鼓鑪鞴鐵渣盡棄却投之急
流中所以汰濁惡前時秋漲高過潁搏而躍隔灘疑金
鳴伏地駭金作鳴鉦放船來強勢壓不弱邇來山潦乾
鞴鞴散虛霸惟聞邪許呼負此舟藏壑

歎逝詩三首

族世父錦亭先生爲定安學博以耳聾罷歸用
趙甌北與其死也不如歸起句作詩十二首見
意歸里後潛究葬經其墓卽所擇珠幢寶蓋形
也

不癡便不聾癡乃得聾趣一官海南歸妙能參死句郭

璞著葬經寶幢識公墓

族兄聘亭先生爲諸生安貧樂道衣履敝垢或以平時所著解贈皆不受援古賢語拒之曰吾不忍以身爲溝壑

吾身豈溝壑古介今已無踵決而肘見卓然君子儒月明臥塚讀鬼嘆先生迂

族叔英超居士性伉直以家事鬱抑乃託於酒後頗沈湎竟以此病卒於白門旅邸數年後始歸骨葬於故山

嵇康太懶散魏徵殊嫵媚殉命杯中物停櫬白門寺九

原有糟邱乃公應骨醉

鄉園雜述仿俳諧體

累喜田園少貧憐子女勞豆羹烹狗爪

豆名

草茵拾貓毛

草名

兩季禾登壠三冬酒壓槽思量真習慣不復有嘮叨

土俗多醇愿鄉風本儉勤過年常食素

俗以正月初二日新壟上門伯

叔家輪流置酒過年魚肉多

留以待故婦女常不得食

完醮偶開葷

八月後鄉村建醮姻戚皆

至以間醮日開

番客包頭布

臺灣客歸來多以布裹頭

新娘裹面裙

婦女皆服布素惟新嫁時面衣而裙用綢而已

由來衣食計所費只分文

散學師留館開正壻上門團獅誇武藝

鄉村少年以紅布綵繪作金獅

環城書塾上學後始

以逐疫兼習拳棒

烹狗享

文宣

環城書塾上學後始議開簽名題束脩兼

祀宣聖及過中秋皆以狗爲上味俗是國儺舊禮猶鄉飲存清明齊醺墓銅笛倍消魂

童冠興文課懽勝過年

鄉村士子皆好作文課常謂有考勝似過年

家祠

雙簪飯

家課皆齊集宗祠面試午間備家常飯共食

鄉社幾文錢

鄉課傳題徽卷時各

納數文錢爲

分卷元黃號

卷背編千字文天地元黃等號

評名甲乙編

開卷者定其甲乙

筆資看厚薄紅帖已軒然

俗以顯然爲軒然亦軒豁呈露之意

荒僻風雖陋顙愚孝未忘檢金開墓壙

檢骨別葬俗謂檢金轉火

建祠堂

建祠升龕俗謂轉火

鬼脈存宗族

族中無後者皆附祭

神叢據帝王

鄉村多祀漢帝

春秋計丁胙

祭祀有丁肉胙肉

血食問蒸嘗

祭祀

俗謂蒸嘗田

頗恨邪魔熾深憐婦女愚牽燈求佛母子呼觀音為佛

月牽引婦女到菴結緣名曰常附婦剪線請仙姑人身名曰仙

牽燈稱婦女為齋姊齋妹齊匪煽惑婦女捐銀給牒假悲

人能言事品級官階等以秩銜如捐納例分品級

懼鬼語殊仙姑道亡人言幾時逢烈火窟室斃羣狐齊

巢穴甚窳宵役皆得其賄而縱之

利逐刀錐末行商坐賈兼搶風頭販芋頭幫所到芋

水脚包鹽潮廣貨多雜唐蕃禁不嚴邑人多赴臺灣也

國為唐人貿易蕃譯中人稠偏地窄何以息閭閻

山徑雙門闕河流九嶺陂路巖厓欲墜沙飽貝維支打

草歸常晚婦女採樵拖鹽到每遲船戶運鹽興除多利

弊開礦爾何知

時守土有
去開礦者

讀白華草堂詩初集卷八

壬午

鎮平 黃釗 穀生

上黃田岫至松翠亭小憩

雲璈散天風，虛壑納寒景。微聞羣仙語，颯颯翠濤頂。輿夫緣磴升，足重息屢屏。笠檐松子落，勢若雨點猛。清涼敞空亭，小憩得恬靜。卽境余已忘，假寐客方醒。颼颼虬竅鳴，茶棚扇石鼎。

仙橋入詠

鼉梁

何人鞭神鼉，縛作鐵橋柱。宵來石燕鳴，橫飛作雷雨。

言上集下生言
洽涯石

女媧割元雲墜地化精鐵星胎孕千年不知太古雪

石蓮龕

一葉一如來一花一世界摩頂觸蓮華化人亦狡獪

天風海濤

雌呿復雄吟空山動鱗甲洽洽琴筑音夢回中宿峽

蝙蝠洞

螺旋八洞門丹竈闢石屋鑿開混沌天飛出白蝙蝠

鉢厂

毒龍不受降揭鉢破空去鑪厂勿久棲恐有神物據

天龍乳

石髓滴不枯融結滲金土服食求神仙此是天龍乳

蛤佛巖

仙巖如蛤開中現光明像何須香積廚巖花足供養

天馬山歌

我聞房星之精名天馬此馬母乃從天下長河千里走
東海轉石噴濤沫流赭魁杓夜肅天闕沈寒潭倒影旋
波心屹然天骨竦千尺空巖電劃青銅聲西控鐵山西北
嶺蹴石窟鳥道蠶叢粵山兀當關不用丸泥封此馬居
然敵萬卒我家丙舍山之隅絡繹奔赴龍駭趨權奇偶

儻產人傑魯連豈直千里駒煙雲舒卷日殊狀欲倩龍
眠寫圖障萬松鼓鬣正嘶風詩成擲筆神俱王

下篷辣灘

慈雲縷縷起山阿下有蛟龍蹙漩渦一箇吟身如定佛
烏篷挂頰看陰那

二月十二日攜子玉遊紫竹庵至水仙古廟小憩
登韓江樓北望作詩示之

家居如醯雞甕天守已隘不有山水胸焉拓文字界潮
州古名邦韓公蹟猶在當時諫佛骨來此開草昧汝年
過十五知識尙未逮今攜汝與遊正非討幽怪置身千

秋間放眼六合外

城西紫竹庵湖山共輝映仙巖迹幽邃佛屋諦清淨樓閣何參差俯視兩明鏡泉眼塞荒榛石骨出奇橫陰陰水仙祠紅棉糝滿徑東望韓江樓三盤踞石蹬鱸溪萬古流鼇柱一隅正

我年七八歲亦時好出遊伊時隨大父流寓居蘇州每當二三月挈與登虎邱懸厓攀窠字略識能窮搜百年祇一瞬鬱鬱悲松楸汝生在丁卯大父嘗喚咻白雲不可留撫景雙淚流

大母尙在堂倚闥望逾切汝今隨我遊固亦非遠別韓

江日千帆候風一齊發風從南方來溫煦蓄和悅吹入
大母懷庶以舒鬱結知兒衣不寒願兒學不輟北望望
陰那慈雲起天末

越王走馬埒

在海陽縣北十里南漢劉鋹祖安仁
爲潮州長史時所築孫隱僭王南越

直付南
越

君不見呼鸞道廢苑荒蕪沒春草又不見歌舞岡亂石
犖确眠秋羊海陽山下埋殘碣重問越王走馬埒東風
滾處香塵生想見圍場促踏鐵紅棉作絮漫天飛無復
山牛習兔絲長隄一色裙腰綠執挺降王歸未歸

二月十八日獨遊韓山

海霧釀紅棉山神拜杜鵑遠春如昨夢近客又今年南
食力尋譜西來不叩禪閒摩白鸚鵡片石話因緣

贈鄭玉湖

玉湖名子方海陽布衣工刻印章能詩已已間
與先兄伍雲交最善余固未之見也今歲至潮
以印章倩其刻玉湖詢知爲余因爲余述兄舊
事感賦一首

鄭生四十餘鐵畊以自給入口盼石田鎔銖易顆粒時
或拍案叫得句喜欲泣溷跡在市廛儒丐共之揖往年
有狂夫一見脫樵笠執手上酒樓大呼衆妓集奇逸不

可當放誕正難及此樂死固易不死囊亦澀時隔十四
年思舊增於邑鄭生勿復言我襟已汙濕

得子履書并見懷詩卽事寄荅

仲春客潮郡得我家弟書書中裏君札斷爛兼泥汙封
緘略可認小印泥鈐朱書言得我札知我歷崎嶇驚波
竟覆溺險被龍伯屠侍御疾不起傷逝重嗟吁書未綴
長韵慰言勞虛譽獨怪紙破缺有似月蝕餘家弟書中
言君札來敝廬墮地豕銜去嚙損檢寄余此事誠可異
占測須神巫侍御魂已妥匪載鬼一車如何白日間見
此豕負塗我夢亦免噩險脫波濤羸豈煩白駒豕渡河

勸公無尋思書中語此兆或庶乎託選侍御詩踐諾能
不渝自非食言肥信已及豚魚君懷亮金石生死當無
殊交情念輿桑高誼感范徐蒼書謝君貺兼以詢起居

春暮寄懷子履

雨色暗簾旌簷花落地輕懶雲留宿夢時鳥老春聲遠
道斑騅悞新愁白髮生江南歎蕭瑟猶有庾蘭成

懷雲泉山館寄康侯香石南山

酒國駐丹砂詩城建赤霞早春鶯選樹午夜鶴巡花學
道心原定求名事偶差紅塵飛十丈仙夢落東華

兩字旌

鄘風採詩柏舟始嶺東又見觀察使朱牒煌煌下郡縣
勿授胥徒與府史 朝廷旌表有明旨守土何吝一張
紙觀察使來五年耳題 旌四百尙不止昔何少今何
多今由官府非房科科房需費嚴檄汰竹柏陰中貞鬼
拜

四門學

韓山月已添膏火四門小學延師坐貧家小兒裹書來
白髮老儒句讀頗盧仝趙德皆是鄉俾爾文公一辨香
分開小舍作義學羣兒背誦聲琅琅魯諸生漢博士據
案研朱督小子三禮三傳重丁寧觀察使來待黥經

自訟齋一首

所居書齋顏以自訟花蒨士師所書也楹帖十
四字爲道日損學日益在言寡悔行寡尤唐鏡
海師所書也袁金溪師復書幅以箴有人心之
危不可一息不操之語身心防檢已具於此側
聞

天語以三畏四勿戒飭詞臣益昭兢惕敬賦一章
銘之座右以時見

君師之質臨云

鍾鍾東平師權小氣不屈抗疏劾鈞衡百僚皆變色醇

儒起長沙燕居主靜默疏中議經筵啓沃心獨切汝南
古偉人百爲守以拙及其上封事侃侃見勇決維此數
夫子官皆居補闕讀書志聖賢立言秉圭臬繫余小子
盲履蹈恐蹉跌先民雖是程後生實多缺年隨馬齒增
過比牛毛積宣尼冀白訟奉以著齋額言行訐悔尤
學道割損益當知人心危操舍爭一息維予數夫子踐
履皆篤實心正筆亦正謹嚴具風力邇聞天子聖
士行親戒飭爾曹愛身名當三畏四勿煌煌天語
垂記注載之筆作君作之師聰明信首出行常守
此箴敬謹書素壁

雨仙謠

海陽鶴巢鄉有雨仙曰風雨聖者龍湖各村莊
有旱疫隨禱輒應爲作雨仙謠以紀之

龍頭下海龍尾上天農人赤脚拜我雨仙

南來鶴巢捲三重茅雨來龍湖多千石租

雷推車電鞭馬疾來疾來風雨聖者

疾來疾來歐疫鬼上至龍首下龍尾

鶴塘哀

爲海陽烈婦
張順娘作

順娘適鶴塘陳阿成事姑章以孝稱一日成入
叢竹中採樵薄暮不返其父熱炬往尋已爲虎

噉盡惟頭顱脊骨在林莽中順娘走拾殘骸遍
舐其血號慟旋入室割喉垂死其姑救甦順娘
母至慰諭再三謂兒孱年好境尙多何苦爲此
順娘大呼曰此語非人理所聞兒拚一死何事
多言戍人穴後順娘請留旁穴相待母辭歸慰
諭益懇順娘曰兒從此無回頭日矣次夜二鼓
竟縊死於牀康熙癸丑年二月初三日也事載

海陽縣志

妾命宮坐紅鸞郎命宮坐白虎周堂更犯披麻煞妾命
刑傷非自取妾入門事翁姑敬如賓妾與夫夫出樵採

暮不返妾肉驚顫跳兩眼翁尋兒入竹林
爇炬照血泐泐翁呼妾來妾來不迭望見泐
泐血似頭顱脊骨哭不出齒戰欲折郎死
孽近前抱郎剩一堆血抱歸舐乾辦郎入
穴旋入室抽刀割喉姑救甦嗚咽妾終不
獨活妾願擊長繩奔月向羿妻借弓妾魂
弱願搯風喉使絕風氣絕妾仇雪

章漠妻

海陽縣志蔡氏蔡伯珪女章漠妻漠客遊道死
以喪歸蔡矢志奉姑姑次女死其長女壻張元
森議以婦繼婚婦持不可元森夫婦入據婦室

逼婦於外依宿夫柩芻元森乘夜犯之婦怒罵
不從輒誣訴於姑姑惑女言反嫉婦婦以情告
姑不聽見卽詆之婦憂憤成疾乃以簪珥歸姑
夜投河鄰婦覺救慰解至旦鄰婦起如廁婦遂
持刀自刎鄰婦號救元森起抱持之時婦目未
瞑瞪視見元森作勢仆地齧其舌以死年三十
鄉里哀之明世宗朝盛榮簡端明爲作章婦行
雄狐嗥嗥兇如豺助以女狼攫人骸夫棺未埋婦冤埋
有姑如無號不悟申申詈予逢彼怒婦不可污婦寧忤
陰房碧血凝鵲鵲夜聞鬼語聲酸嘶蔡伯珪女章漢妻

石白烈

海陽曾氏字夫楊華美沈里人值賊首黃海如
決隄抄掠楊具舟稍後遂被執賊覘氏少艾欲
載之歸氏不應且怒罵賊百計恐嚇之旣縛且
解者三氏終不屈遂焚死於石白旁至死罵不
絕口

大隄決賊來大隄決鵲鵲萬聲走不迭中有一人肌玉
雪侍郎具舟來郎來遲氏被執不屈罵賊賊言吾殺汝
氏云求速死三縛三解置砧儿賊之伎倆乃如鬼崑山
玉碎石白旁焚尸雖臭名則香鈎舌折齒張睢陽巾幗

有汝何堂堂柏舟操介山吟我欲譜之焦尾琴夫楊氏
曾碑可尋家住海陽華美沈

叶

五月初六日自紫金圍至丙村過褚摺望銅鼓嶂

諸峯

肩輿向天行百轉不到地嶺雲冒火焰林木黑煙熾昇
丁病欲逃遊子鬱生畏憂心況如焚揮汗若揮淚森森
鳥落毛惴惴猿引臂心知惡客無尙彊虎狼避野僧持
斧來令我觸疑忌山腰採樵女豈有防身智舉頭日過
午飢火滾腸胃望雲懸吾親萬慮姑且置

貞婦松

東坑尾松子岫有松六七株圍可二三人合抱
相傳貞婦某手植爲紀以詩

石碣心誰表霜株手自栽龍蛇從古厄鸞鵠至今哀大
力搏貞魄孤根歷劫灰金剛身不壞擁護有風雷

由大坑入風車紐谷中小憩

近坑見羊寮緣磴叩佛開石梁噴溪流激雪勢迴薄迤
逦入谷口笙竽一齊作有聲如飽蛇洶涌赴巨壑仰首
見松杉日光爲之弱陰厓互蔽虧陽岫隔虛霽當年虎
奔深白日愁失脚山神爲驅除幽境久清廓日午樵婦
歸出村向煙郭

徐鐵生

起賢

坐耕圖

讀書不得粟萬鍾不若積穀多牛翁君看柴門指揮者
意氣直可無石崇吾儕束手無奇策苦不能耕兼坐食
憲貧不受九百困汲轆還輕二千石飢驅出走來江湖
臯比上座稱師儒妻啼兒號耳不及先生自欺豈欺余
君家有牛復有鴨讀書更得坐耕法徐州老守醉黃樓
能定泥中千柄鍤

送少華省試

負笈從吾去看襄送爾行春帆浮經渚秋權下鵝城國
器玉藏櫝家風書在楹考功遺澤在莫忘此時情

秋聲

波濤空際落明河
露葉霜條促改柯
江上龍鼉翻鼓角
山中猿鶴奏笙歌
鬼神詆蕩青鐙肅
天地蕭騷白髮多
莫認商聲成變雅
九天風到送鳴珂

秋色

樵舍漁莊夕照邊
赭黃樹託蔚藍天
江湖雁去迷青草
洞府龍歸帶紫煙
筆底漸邇人作畫
鏡中無礙客參禪
清華到老皆天意
眼福猶堪結淨緣

秋晴

孤城返照掠平岡
畫角吹晴夜有霜
萬頃黃雲呼雁鵝

詞上直直直直
九邊白草下牛羊空船曬葦防河策健馬馱鈴出塞裝
昨夜南樓遲燭滅一天寒月夢瀟湘

秋陰

濕風冷雨雁呼羣人在高樓觸緒紛郊外砧聲催脫葉
海邊帆色壓重雲天寒鷹隼風稜縮日暮蛟龍水氣分
聞說層陰低楚澤有無乘霧見湘君

夜坐雜感

龍湖院
中作

跌宕庶非昔蹉跎遽至今夜長牽髮短才淺種愁深衣
食終年計功名壯歲心如何困轅下伏櫪作酸吟

私債誰焚券公車自辦裝也知登上第何若倚高堂陽

柳條非短桑榆景正長尺書多勸駕敢望爾傾囊

漫覺身爲寄仍愁俗未淳衆昧紛楚語視瘠任秦人命
與鴻毛賤交惟鮒古親頗疑當日教易治說齊民

薄賦輕徭日 皇仁久布刊尙甘身作盜可謂目無

官碯岸驚漁火沙洲聚鷗冠多年海氛靖失計豈招安
亦有飢寒迫能無撫字勞如何懲鼠輩不肯用牛刀往
日矜嚴酷聞風自遁逃周官懸重典差可免鴻嗷

經濟儒生事空談亦可憐寸心迴白日尺柄付青天感
慨匡時策低徊信道年無端計溫飽永夜不成眠

側聞

立法休慙霸爲官莫近儒通材蜷杞柳累牘削萑蒲定
讞無翻覆成規有步趨側聞談政體始悟客拘迂

敢笑官情狎曾參佛性慈硯池供鼠渴書庫賑蟬飢豈
謂同姑息微聞諷玩疲申韓應不屑莊老合無爲

讀東坡除夜病中贈段屯田詩龍鍾三十九勞生

已强半歲暮日斜時還爲昔人歎白注樂天詩

行年三十九歲暮日斜時鄙意歎老傷窮詩家

習氣然亦何必作此頽唐語余今歲三十有六

尙逐公車較白蘇二公所遇真有未可同年語

者然自顧壯心未損如寢方興因次東坡詩韵

一首

華筵具八珍酒行未及半此豈有不飽而乃當食歎早
達無建樹時日亦惕玩高爵與厚祿匪以泰閒散我年
三十六尙逐公車伴自維來日長正似夜初旦何人鬱
牢騷拔劍斫巨案學道苦未深坐受塵纓亂鄰雞催起
舞我甫呼沃盥一日而千里驥足豈遲緩香山歎日斜
生理未通貫旨雖託吟諷詞究近頽懦我今作壯語亦
非好冰炭留都近十年校書閱兩館文穎國史兩館倘非同
祿災一羶可得暖得暖便何如東坡亦應粲

將解館復戲次前韵一首

荒田十餘畝，勸墾已過半。明當盼收成，且勿釋耒歎。廿
年客江湖，頗被俳優玩。爾來主講席，意思覺蕭散。一僮
不識字，強作燈火伴。潮州故多蚊，借以警宵旦。南烹味
亦佳，蠶蛤堆食案。但苦土音厖，應答易訛亂。朔望謁昌
黎，侵曉起沐盥。生平所師法，拜跪敢紆緩。嗟汝五窮鬼，
罪惡已盈貫。當時苦飢寒，正坐先生懦。行當役汝輩，雪
中送乾炭。我今計之北，半月且解館。行廚雖未冷，坐席
已難暖。來年客爲誰？一笑飽白粲。
龍湖洲租往年玩役
包庇頑佃積壓以致
師生脩脯膏火皆不能給余爲
寓書觀察下縣嚴催稍有輸繳

東坡倅杭時年三十有六，余今歲亦如之。希蹤古

人緬懷往蹟復次前韵一首

娟娟峨眉峯秀絕倚天半偉人不代生寂寞山靈歎長
公豈高僧獨愛西湖玩南屏金鯽魚重來值齋散去杭

十五年復得同遊伴夙因證參寥舊吏屈希旦

時張翥
俞希旦

作鹽

想當作倅時文書塞滿案雄才似粗豪昆刀截絲

亂誰知孤山詩直欲雪水盥從容簿書餘脫略衣帶緩
表忠紀婆留畫壁捫僧貫行年三十六銳氣振怯懦漫
云口諾唯未肯學吞炭我今如公年蕭瑟坐經館卿相
如可期芋火亦應暖行當叩菩提得請天花粲

得星房書知在菴幽壙尙未買就遺稿檢定無力

付梓感賦一首

魂夢來迴豈足憑交情生死苦難勝
衣冠何日歸蒿里
笥篋誰人訪茂陵
八口無田悲冷淡
九原有路怯炎蒸
當年相約如兄弟
此處應慚負友朋

煌宋儒學性理抉閫奧我今病未能敢事襲外貌惟有
兩字箴此詣當可到實以砭虛浮踐以謹履蹈相期有
勸規淺語可深造

老生多常談常談乃可聽劉生吾老友言論每持正大

許

特達

勤執業閉戶絕視聽今年登賢書文章足奪命小

許

鍾岳

有義聲鄉里頗愛敬任事勿喜事此論吾早定吾

宗亦有人未若昔年盛勉旃紹前徽多文兼砥行

劉名雲彩

民風久剽悍械鬪連鄉村近聞大府語督責惟生員生

員有何柄忠信以自存信友可獲上九鼎重一言撻冠

與閉戶非可一概論要當判義利勿徒報怨恩庶幾變

敝俗禮讓相崇尊朝野無兩用出處同一原此責在吾徒述之敢憚煩

方今夏鄭公

觀察

竊慕韓昌黎下牒置鄉校課士親品題

延我主此席經訓先童觴諸生事操觚此義當提撕陳篇困研索障若苦霧迷六經炳日星道理與之齊含咀得英華磨礪去角圭殷勤復殷勤上達期攀躋

讀白華草堂詩初集卷九

補鈔

鎮平 黃釗 穀生

南苑 大閱恭紀

圖幄三層拱 帝居旌門洞立列犀渠星河靜夜無刁
斗十萬親軍繞 禁廬

牙旗甲帳列 天街兩翼交衝鹿角排傳旨護軍雙統
領職名呈進綠頭牌

鴈鷺班聯侍從臣帳前力士布鈎陳甲光璀璨龍鱗動
第九重霄識 聖人

天上風雲護築壇陣圖指布八門寬虎賁禁旅龍威將

讀白華草堂詩

初集卷九

星沈鏞綠鴛鴦銃石圻硫黃霹靂鞭臺下紅旗剛一閃
營盤人馬蔽塵烟

健銳營軍盡虎牙曼胡纓頂翠翎斜晾鷹臺後藍翎衛
日射祥光閃海鴉

聖武千年誦我 皇轡弧手自射天狼羽林五百巴
圖魯馬上教施殺虎槍

挾纊 恩綸下署丞千官免冑晝歡騰膳房傳賞餽
餽食初出爐圍熱裹蒸

正定龍興寺大菩薩歌

我聞菩薩應身三十二共有八萬四千臂目觀現世合
四大海爲口門約五須彌作寶髻一切衆生納毛孔空
諸所有見真諦區區銅像七丈三尺高菩薩視之等秋
毫豈知糜帑幾千萬當日盡出民脂膏層檐飛閣摩蒼
穹流丹鑿翠填青紅剏建肇自開皇中誰歟監者鄂國
公五代興亡真草草菩薩金身幸完好一朝顯德括官
銅投向洪爐充國寶爾時菩薩節節支解分化身亦如
人世有轉輪以身布施如我願藕絲芥孔看微塵金虎
猴頭得真主重裝寶相開琳宇頰龍河木庀閣材依舊
諸天散花雨我來瞻禮重咨嗟金銅仙人辭漢家如鉛

清淚不可拭露盤折斷寒朝霞金人十二秦皇誇阿房
宮亦高簷牙三層閣上佛頭現微聞化人歎息閱盡恆
河沙

直沽

年時歸夢著漁蓑初買輕舟出潞河七十二沽烟水濶
不知何處得魚多

同在庵訪子屢於射陽學解留飲席間出其令子
小雲詩卷見示爲賦二絕

乃翁風格似臞仙塵海軒渠

子履集名

老一瓊失笑濁醪留

二客眼前佳句讀斜川

神清骨冷無由俗，偏有愁絲畫不成。

集中句

惆悵華年傷

錦瑟

小雲近有一悼亡詩

一編重對玉溪生

遊惠州西湖白豐亭放舟準提閣至暮始返

僧支一筇我一艇，鏡中魚鳥各尋影。
漁樵長住乃不省，但顧草籃與笊簪。
湖水澹澹如無心，天光不動山光沈。
一聲清磬出何處，飛起湖心雙白鷺。
全湖震盪葑雲空，樓閣孤危暝色中。
橫江一鶴歸來晚，曾見當時玉局翁。

哭陳雲竹

天瑞

隻字猶難見，何論見面期。
憐君垂死日，是我寄書時。
沈悶孤鐙盡，窮愁病骨支。
連宵苦風雨，夢見氣如絲。

余于初六

日在湖州晤陳仙航始知雲竹病甚隨于是夜作書訊之書未達而雲竹卽於初六日逝矣

苦語成牢落豪情奈鬱煩黃金非俊物白髮是愁根才

老名微損朋孤道尙尊淒涼書一紙覩縷數同門雲竹委頓

時作書寄仙航徧數其及門諸君不無望於身後相卹之義也

屈指廿年事應憐生有涯悼妻愁化蝶失子惱唬鴉老

境知非蔗殘春尙有花茂陵遺稿在壁立動容嗟

五十平頭過徵詩酌壽觥絳帷環弟子紅袖拜先生詎

料春風曲雲竹五十一生辰集其及門所作詩歌一册名春風吟俄翻薤露聲預留

花甲序雲竹五十一壽嘯余作序今歲五十八矣一哭上銘旌

五月五日登端州閱江樓

群柯萬派來自西大湘小湘注爲谿衍然平陸扼古郡
百粵門戶通羗氏羚羊一峽江口束挂角三塔山肩齊
端州城牆如大隄閱江樓亘千雲霓江風八面撼欄楯
坐覺五嶺隨天低七星何年落北戶摘取不復煩仙梯
此巖合有仙真棲此川亦恐星槎迷江心端午日午時
不聞競渡聞鼓鼙東流浩浩平如掌但見舴艋如水雞
民淳俗儉自可喜且令猺蠻操耕犁曾聞千夫割紫泥
縋幽鑿險哀猿嘯采珠采硯等病耳江潭萬丈愁燃犀
亦聞江漲浮鳬鷺人魚萬命羞鯨鯢陽侯睢盱駕巨鼉
潰決未厭重排擠此時帝觴亦何樂百神蒿目空銜悽

禦災捍患，黜困傲，是在守土哀餘黎。海雲噴墨，傾琉瓘，乾坤變態窮端倪。登樓不作仲宣感，江山萬古留懷題。

食荔支作

菜傭亦足傲王侯，日日筠籃論擔收。三百顆供饗，守飽七千里爲貴人愁。應憐蠶繭重包裹，曾伴鱗魚入薦羞。

聖祖至今多節愛，閩船無復向通州。

江南鱗魚貢乾隆年

間罷福建荔支貢道光初年罷

贈朱謂卿

人鳳

曼生詞翰鐵生畫，西冷風雅於今稱。眼前二妙不易得，況復三絕誇精能。豈知才如德星聚，作手更推朱謂卿。

謂卿當日友兩生矯健獨出如秋鷹詞人艷說姜白石
畫史酷好徐青藤偶然作書貴瘦硬亦如老杜肥應憎
甫也諸侯老賓客往者名輩多友朋題詩便付酒家保
作畫或寄山中僧孤山梅花亦不孤風帘雪艇烟中燈
求名失計入京國險絕白壁污青蠅爾來更作嶺南客
握手一笑悲填膺有才如此竟落拓風波定後嗟浮萍
君詩乃更和且平仍歌水調圖山屏公卿倒屣良有以
以品學重非虛矜携琴共過晁旣咎畫扇爭索曹不興
寸縑尺素餘事耳東野終以其詩鳴西湖故老餘典型
況有祖硯堪錫銘

謂卿爲南湖
徵君仲子

他年秘閣

召供奉

詔書尺一應先徵

題潘柳塘明經

定瀾

北遊圖冊

讀君北遊圖動我北遊思當年賣賦人曾此策蹇騎郵
程一十八風景歷歷記自從渡黃河便覺風土異寒星
落漁溝夜色四更末馱駘間簷柝土炕不成寐登車一
被裹吆喝驚夢睡褰帷見殘燈魚貫排一字天明出長
隄黃霧塞耳鼻可憐烟中柳禿鬢成野魅因思蓬首妻
惜別諒顛顛飢腸作牛吼隔林答烏啼回頭看老僕木
稼束鬚髯茅檐露酒旗失喜到村肆杏花江南春豈識
來此地當墟有少婦亦解滌酒器與之操南音強認秋

胡戲出門看天色慘澹入雪意短驢衝風來客已無酒
氣站大投宿遲車夫索先醉雪花大如掌妓挾琵琶至
嗟我乎郎當消汝之嫵媚誰能解連環韁鎖破名利浪
云知北遊未解南華義任公當大笑鰲也中香餌遊仙
夢未醒修容思見帝浮沈人海中但聽魚龍沸君乃過
來人先我嘗此味歸來作此圖未覺此途畏酒酣耳熱
邊向客偶一示有如妙莊周說劍蓄豪致又如老伏波
據鞍思再試逍遙想飛鵬頓挫伏老驥誰歌行路難毋
乃兒女類

端州峽二首

羚羊峽盡卽端州碧玉山環碧玉流不似瞿塘風浪惡
三朝三暮見黃牛

小湖西去古蒼梧青草黃花

俱魚名

入饌初漫向秋風笈

彈鋏此來全爲食嘉魚

趙萼樓學博

怡

以順德石硤龍眼見餉時萼樓有

廉州之行作此奉謝卽以送之

龍眼與荔支厥生本同族相者多舉肥饗者思果腹遂
令龍眼美竟讓荔支獨居然以奴視何肯同弟畜龍潭
有老龍一怒抉其目懸之海珠叢如月盈朏朏美龍性
屬火峒強化爲木胡然戕其身將以雪此辱君乃食之

美餉我以盈斛隔籠開丁香解膚見脂玉千葉想蒙密
一飽期饜足瓊漿出雲英甘潤迴鮮馥轉啖玉環肥豐
肌霽紗縠乃知尤物尤足洗俗眼俗聞君往廉州我有
無厭欲廉州有龍眼說見東坡錄味可敵荔支趣已殊
苜蓿君歸莫贈珠惠此已云沃當尋綠玉盤剝此珠胎
丙

漫成一首和姚補之

華衮
韻

漫向河山感霸才越王頭已刻銀杯但求陸賈裝歸去
莫誤麻姑米擲來劔室無雌乘雨吼硯田有卵裂天開
狂言未必能驚座笑指星巖北斗迴

遊七星巖得詩二首

瘞虎羅浮去茅龍太華來誰知圓屋閭復有小軒開景

福鑱仙洞朝元闢帝臺瀝湖寒浸斗歷歷指杓魁

石室有夢

華小軒爲馮魚山先生所署額

天梯伸鬼手斗道轉羊腸嶽色頒金帝星精禮玉皇峽

同千尺劈

屏風巖絕頂有屈翁所鐫小千尺峽四字

屏似九機張竟到諸天

頂風飄貝葉香

梅州詠古樂府三首

僧井

井闌登井水淘邑無烟誰所遭空中過墮鳥毛

一解墮鳥

毛疫難避鼻觸之硫黃氣弗敢食井水沸

解二

井水沸曾

公來投以藥化鬼胎病者起死者迴

解三

死不絕病不常

兵五萬圍井傍禱何人狄武襄

解四

井闌開井水溢忠孝

泉賜飛白供香花八功德

解五

鐵漢樓

迴龍岡抱北樓祠鐵漢元城劉

解一

紹聖初錮君子賊在

側火入鬼

解二

公之生命在天瘴海頭蠻徼邊去梅州三

十里土豪來鬼殛死

解三

公之歿民思之殷少牢祭以祠

靈之來神羊隨靈之去文螭御榕葉青榕葉黑招公

解四

魂歸城北

解五

凌風樓

凌風樓瞰江水隱孤城烟霧裏

解一

公昔來一旅師斬都

統身指麾公今來訪何處饒塘邊簽書墓

解二

大厦傾一

木支樓八角誰所爲公魂來悄以悲

解三

六庚申隨轉燭

集杜詩方繫獄魂能來控黃鵠

解四

黃鵠翼朱鳥嚼過西

臺聞痛哭

解五

奉題左秋浦師課孫圖

斷斷明經舍肅肅通德門粵余小子劍三載春風溫仰
惟古道德時時誦先芬曰予祖靜齋道高教尤尊威嚴
魏常爽剛方漢陳蕃予昔侍講舍習聞予祖云士行首

斗岳英霸降乾坤正氣扶科名能不負聲伎亦堪娛當日提戈印平時重髮膚男兒矜志節誰似此懸弧

一片射場間浮雲萬馬還鼓鼙思將帥毛血灑榛營地

入狐狸峽天開虎豹關應憐迷路日繭足走荒山梅子畬有

竹一叢相傳信國過此嚼血點竹葉間天以上至今所生竹葉尚有斑點見邑志

豪飲哀歌客同來拜几筵孤城當半壁明月自中天虛座神旗捲危樓佛火懸黃冠遺像杳酒罷一悽然

荷花生日同人集問字山房

大士華幢太乙船修成繡佛與霞仙美人立願花同福淨客談因酒夙緣千載宗風開白社一時文讌接青氈

言下其意
碧筒杯倩紅粧勸同醉壺中不老天

士

七月七日同人集奎光閣

安排瓜果選壺觴社課忙如

國課忙

前一日開徵

邠替雙

星催早會最高樓閣看斜陽

伏雨闌風一洒塵水光明滅射城闌練河未挂羅雲捲
幻出虹腰似美人

邠魯魚羊國自分便便腹豈負將軍只愁醉飽歸來晚

女隸頻催乞巧文

楊樂山知司方宴客聞余同人高台連延使送燒羊麪食

田家七夕詞

刈稻歸來歇土坡茅檐低處望星河牽牛夫婿都無暇

明早田間趕打禾

粳稻登場一半輸長荒已慣米如珠村姬那乞天孫巧
但向東家乞減租

閏七月十四日秋禊集飲東麓山房

秋山雨氣微出郭意殊憺溪聲過短橋樹色隱高厂入
門今雨集坐石古雲甃竹欣顧影長蓮悅寫心澹卽事
固多權引侶覺少減開軒洗梧桐入饌選菱芡絲竹已
無須觴詠復奚忝憑誰繪巾幘薄用烟雲染

北郭郊行有感古琴江丈

光延

賴香尊

梅

漠漠重泉閼荒荒落照昏琴埋徽易朽香瘞燼難存衰

草狐狸峽寒花鬼子墩青山空自卜白首共誰論

輓徐上舍

奕芳

昨夜秋星隕少微凌晨寒露怨朝暉空憐閨苑瑤峰瘦
無復華池玉水肥養氣十年應悟道用心千字苦研幾
著有千字
文箋釋木雞看到功純候遽向蓬山化鶴飛

藜榻穿將卅載餘遼東人識幼安居偏依塵市成高隱
何假名山始著書述作百年存族譜疏排九死念河渠
謂西關
水關南州高士風徽渺寂寞西塘舊草廬

十月初三日再遊長潭

是日同遊者尚有十四人
賴聚垣楊鑾坡左明臣鍾

半野楊友竹邱東麓徐鐵生楊南石
徐鷗南鍾竺生笙調伯邑少華及余

晴遊續雨遊計時歷秋夏水落浮漁磯林疎見樵舍野
航載十斛排坐塞間罇有如鷓鴣鐘滯流任川坰臨淵
夫何羨垂涎在魚炙長河自東流夕陽未西下烹鮮煮
芋瓜倒酒啖諸蔗居然田舍風真朴勝浮假炊烟散村
郭歸路長橋跨何時踵清遊吹鐵泛月夜

遊長潭復得絕句八首

瀧流七里畫圖開鼓枻人疑入越來曾有遺民賴未似若

皋羽手提如意哭西臺

浩劫梅花亦黍離孤山苗裔泣殘碁寒泉秋菊懸厓頂

擬築臨江節士祠

謂林丹九先生

花塔蓮幢佛相殊千巖如擁佛跏趺海田亦有恆沙劫

淤塞難通綠水湖

長潭水與綠水湖通見
華夫新語今竇已塞

漏壺天擬小仇池

滴水石米芷灣先生
易其名爲漏壺天

百尺危巢壓斷

枝石壁千年局不敗琪花瑤草長歲稔

竹雞啼罷鷓鴣飛隔嶺人家倚翠微時見空中紫烟起

芙蓉千朶護龍歸

龍歸畚
山村名

烟消日出萬峰巔打草人來九月天過午山花香不斷

樵風吹出送潭船

網山丙舍倚松楸落日長河萬古流少讀漁兒

伍
雪竹枝

句羊裘烏笠畫清遊

松聲如吼答河聲雲海風濤總不平人與牛羊歸共急
隔車橋似隔重城

冬日田園雜興

農人望晴雨獨得性情正有時遇旱勞農病卽天病家
風事排愁漸亦識麥性連朝苦寒雨首種播未竟高原
與下隰得食未敢慶昨宵雨聲歇私喜免泥濘犯曉行
園中掃晴北風勁

小園闢十弓種得百頭菜霜刀斫雪根老綠正堪愛風
乾晒屋角一桁斜陽對春盤祝長久此卽酒之配草屋
僅半間殖殖列數代鹽齏侈世家酸氣挾驕態長揖紫

讀上事書卷三
相公與排先後輩

嶺南冬老酒傳自南北宋常時置餅麪祇供饕餮用酒
味有厚薄水力有輕重家家竹葉春戶戶蕉葉封我貧
歎無田安能有秫種鄰人許相借一石當租送伸眉問
山妻幾時方洗甕

木芙蓉

霜天約到雁來紅一抹輕烟冪水東若個寫生傳妙手
淡胭脂與畫秋風

灌頭

灌頭一綫隄陂角萬椽屋村連上下黃竹分左右綠隄

邊趙公祠云祀賢州牧

公名同官

乾隆己亥年此地片成

谷陽侯據潢池河伯求湯沐沙隄二里許湯雪盡一沃
不聞萬鍾呼但見千家哭惟公促傳來發賑散錢粥焦
心厘擘畫大力謀版築隄成河伯退壩起陽侯縮至今
四十年保障庇公福今夏六月間淫霖漲河腹水頭正
暴橫隄身漸危蹙千夫爭水上萬指奪舂揭半晌危復
安奔流放稍束驚定始燒香事過隨轉燭方冬隄草乾
蝨鼠應竄伏無徒伯益焚須懲共工觸桑土預綢繆詎
待有司督

茅檐

茅檐風日美場圃了無事愛此陽和天且得空閒地
雞與老翁各領負暄意生年及太平萬物願皆遂浮浮
金甌香汲水及冬至說酒且無然黍熟吾已醉

冷厨燒紅葉熱竈煮青菜豈惟美可茹烟霞味堪愛客
來飯脫粟黎祁四五塊一飽話家常怡然有歡態田家
飼雞豚宰割必祭賽終年咬菜根難爲肉食輩

農功一以閒老牛慘不樂昨日屠戶來云官許開剝十
年筋力盡筋盡肉隨落夙聞藏弓語功狗當見縛主人
擁干倉荒地墾已拓老牛死固宜長鳴就刀鑊

空場曬稗人屯立如卒伍兒童事酣嬉據地趕羊虎忽

作呵殿聲騎馬學官府少年事團練蒙皮執戈舞鄉儺
本周禮惡習已非古羣兒爾莫隨教爾羊疏乳

冬乃春之母夜爲日之妃安神守閨房胎氣藏嬰兒田
家事蠶績寒夜眠常遲篝燈射門隙霜月侵檐帷偶讀
養生篇與語還解頤如此近婦人焉用飲醇爲

高原盡種麥隙地留落秧水田近低壠草腳浮天光上
有百丈隄下有半畝塘紫藻聚古錦竹鄧直而方水濁
知魚肥水暖覺魚香何當割萍衣來裹雙鴛鴦

豆藤絡枯繩瓜葉團敗紙寒蝶抱冬心栩栩入園裏幽
尋到菜花嗅之輒慰喜有如衰門中獲見故人子保此

金玉根門祚可以起流連復流連春風其來矣

薪薪翠麥齊油油綠雲澹平疇浪未生微風可以帆稻
塍界溝谿秧地鋪稈苦迤邐見河隄曲折轉村店長繩
牽牛鼻背負若牽纜誰繪歸舟圖蓑笠吾詎欠

草棚卓稈繳樵屋磊柴塔澣衣雜婦孺補綴若敝衲入
門始掃除塵土積几榻壁間喜聯字計年當過卅賓筵
不時舉曠典朋簪盡真意良足佳燕喜非烏合

稚魯已嫵媚文物况都雅家塾兩三處花竹秀而野琅
琅背誦聲快若瓶水瀉蒙師亦後輩相約同課夏時或
醪酒脯來結芹韭社瓶罄亦何慚一笑洒如也

北風捲茅茨凜若索逋叟刮面逞勁辣到耳肆狂吼家
人怯凌兢畏色到雞狗我裘寄質庫忍凍難出手何以
樂今夕拌開迎歲酒一醉心膽強出戶看星斗

身無一畝宮胸有萬間屋此意難告人生理淡齏粥我
少居吳中大賢久私淑潭潭范莊前市賈貨文木云昔
文正公置田贍其族一廛尙爲氓何時食君祿

陪齊星垣丈重壩西郊閱步賦呈一首丈爲春浦
明府尊甫

飄蕭鶴髮望如仙步履閒遊勝少年袖草新吟滄海日
衫痕舊帶秣陵烟偶行郊郭尋春樂愛聽鄉村說尹賢
他日圖翁團扇裏不須添拄杖頭錢丈不飲
故云

柳子厚羅池石刻拓本

永州捕蛇走毒虺移向龍城驅厲鬼生爲長吏歿明神
神識判開白石齒奴婢子女當傭民一歲贖歸且千人
福氓制醜神所守羅池廟食垂千春州廨重來現精魄
誰其見者歐陽翼蕉黃荔丹合歲時鶴唳猿吟其朝夕
摩挲翠墨感英靈隱語當時比勒銘潮州怪石徙妖異
不告昌黎俎豆馨

戲簡楊鑾坡

時主講桂
嶺書院

生徒如落葉秋冬逐漸脫師如噤口鴉瑟縮守林末飢
寒任啼號羞作春鳩聒昨來講堂中階除覺空濶頗疑

竈無烟釜飢塵可刮莊逾陸氏荒地比寢邱劣俸錢六十千不能具粗糲豈惟橐盡空坐使囊亦括比年索米難公卿盛書札遊學比求官援引望美缺置師如奕棋捐者當不屑君誠蕭散人冷淡嚼冰雪博士甘瘦羊且勿究其說明年穩談經專席無人奪

鑾坡以白菜見餉戲謝

白菜卽菘江右多菘鬻菘者惡之罵爲筍奴菘妾見

清異錄

蔬品性俱淡惟筍特奇妒專味如專房獨自擅七箸堆盤有此物豚乳不復御側聞茵妾美鬻者亦見惡君何愛鄙人嫌怨皆不顧伴來分頭送致予中饋助繫余口

正饒垂涎悅風趣沃以杏子油喫以桃花醋公然抱筍
奴別營下箸處晚來夢園丁相對猶色懼鞦頭幸未長
排牆卽驚寤作詩寄謝君須防竹母詛

冬日閒居雜詩

星影鬢憐今日風懷緒昔年松身參鐵佛月魄鍊銅仙屢
覓安心法難消引夢緣焚香棲斗室未了散花禪

萬象胎春氣杈桻逼老蒼竹萌穿地坼梅點破天荒僻
徑堆殘籜閒人看夕陽懽聲一喧闌崖蜜鬧蜂房

圖畫天然雅瓶盆雪樣清松梅朋友誼橘柚弟兄情食
筍兒尋譜移花婦主盟頭銜定何物詩國此清卿

儲米剛三月藏書近五車業農雖雪淡爲士卻風華牛
屋棚堆草雞窓筆幻花耕田兼識字有此秀民家
孤介談何易清狂論所輕酒淳人有母錢散我無兄冬
雪非時事春風亦世情蓬蒿看滿徑一歲幾枯榮
治產非吾事年豐僅蓋藏債多愁食肉田少喜完糧歲
爲菑畬淺宵緣紡績長翻來鄰婦羨一硯足耕桑

除夕二首

餞臘迎年又一時香浮座鼎酒浮卮音容如在看懸畫
心血須償許祭詩有局消寒還趁早無臺避債且拖遲
打狐縛虎皆多事豪飲惟應勸老爐

四壁荒寒但積薪殷勤還爲掃梁塵漫敲厠鬼求如願
翻詛門神不逐貧人事無權思造物哉生有用等齊民
萬間廣廈何時就歲歲桃符笑此身